

CRITERIOS PARA A SELECCIÓN DE ÁREAS DE COÑECEMENTO PARA A PROMOCIÓN MEDIANTE CONCURSO DE CONTRATADOS/AS INTERINOS/AS DE SUBSTITUCIÓN E ASOCIADOS/AS A AXUDANTES DOUTORES/AS NO CURSO ACADÉMICO 2016/17

Aprobado no Consello de Goberno do 14 de abril de 2016

O procedemento para a elaboración do POD 2016/17, aprobado en Consello de Goberno do 25/02/2016, establece no seu punto 1 que se manterá o programa para reducir o número de Profesores/as Contratados/as Interinos/as de Substitución (CIS) e Asociados/as que contén cunha acreditación da ACSUG ou ANECA, e a súa transformación mediante concurso en Profesores/as Axudantes Doutores/as.

Co fin de levar a cabo ese programa, establécense as seguintes normas:

1. Só se atenderán as solicitudes nas que, unha vez aprobado o POD para o curso académico 2016/17, se cumpra que:
 - o A diferenza entre necesidade e capacidade docente da área supere as 320 horas.
 - o A estes efectos enténdese por:
 - Necesidade: Horas encargadas á área de coñecemento no POD do curso académico 2016/17
 - Capacidade: Suma dos seguintes compoñentes:
 - A.- Capacidade docente neta do profesorado permanente (incluído o PDI con reserva de posto de traballo)
 - B.- Capacidade docente neta do profesorado con compromiso de estabilización. A estes efectos a capacidade inicial deste profesorado será 240 horas
 - C.- Capacidade do profesorado asociado T1 (docencia clínica).
 - X.- Horas de redución por cargo recollidas no apartado 3.1 da normativa de dedicación do PDI
 - S.- Horas de redución por representación sindical recollidas no apartado 3.2 da normativa de dedicación do PDI
2. Deberán contar coa acreditación a Axudante Doutor/a ou superior a 1/1/2016¹.
3. Convocarase só unha praza de Axudante Doutor por área de coñecemento agás no caso de que os/as profesores/as acreditados/as para os/as que se solicite a transformación mediante concurso **teñan dedicación a tempo completo** e a diferenza entre necesidades e capacidade iguale o resultado de multiplicar o número de prazas por 320.
4. No suposto de que existan na mesma área de coñecemento profesorado con dedicación a tempo completo e a tempo parcial que cumpran a condición segunda, terá preferencia o profesor con dedicación a tempo completo.

¹ Tomarase como referencia a data da resolución de avaliación positiva asinada polo presidente da CGIACA no caso de acreditación pola ACSUG ou a data de efectos que se recolle na resolución do Ministerio de Educación, Cultura e Deporte no caso de acreditación pola ANECA. No caso de acreditación a Titular de Universidade tomarase como referencia a data da resolución que consta no Certificado de Acreditación Nacional do Consejo de Universidades

5. Poderán transformarse todos/as os/as CIS a tempo completo que o soliciten cumprindo os criterios anteriores. Esta transformación non suporá contratación de novo profesorado.
6. Convocaranse cinco prazas de Axudante Doutor/a para a transformación de CIS con dedicación parcial e asociados. A creación dunha praza de Axudante Doutor/a realizarase amortizando 240 horas en prazas de Profesores/as CIS e Asociados. No caso de que o número de prazas convocadas sexa inferior ao número de solicitudes, os criterios de ordenación entre os solicitantes será pola orde de puntuación acada segundo os seguintes parámetros:
 - a. Terán prioridade os/as acreditados/as a Titular de Universidade ou que contén coa avaliación positiva como acreditado/a a Profesor/a Contratado/a Doutor/a.
 - b. No caso de empate no criterio anterior terá preferencia a área con maior diferenza entre necesidades e capacidade segundo o determinado no punto 1.

Disposición adicional

A Vicerreitoría de Profesorado e Planificación Docente encargárase de elaborar a prelación de prazas, para isto poderá requirir a información que precise das persoas e departamentos afectados e dos servizos da UDC.

A Vicerreitoría de Profesorado e Planificación Docente comunicará a todos os departamentos da universidade o resultado da prelación, da que dará conta aos Representantes dos/as traballadores/as e ao Consello de Goberno.

A Coruña, 14 de abril de 2016